



Broj: 01-04-11-726/21  
Sarajevo, 01.06.2021. godine

## Обавјештенје о кориштенју извора јонизирајућег зрачења у Босни и Херцеговини

Poštovana/i,

Korištenje izvora jonizirajućeg zračenja (u konkretnom slučaju uređaja koji proizvode jonizirajuće zračenje (rendgen uređaja)) u Bosni i Hercegovini regulisano je Zakonom o radijacijskoj i nuklearnoj sigurnost u Bosni i Hercegovini („Službeni glasnik BiH“ broj 88/07, u daljem tekstu: Zakon) i pratećim podzakonskim aktima. Za provedbu ove zakonske legislative nadležna je Državna regulatorna agencija za radijacijsku i nuklearnu sigurnost (u daljem tekstu: Agencija) sa sjedištem u Sarajevu i dvije regionalne kancelarije, u Mostaru odnosno u Banja Luci. S tim u vezi, Agencija je definisala uslove za nabavku, distribuciju, prodaju, posjedovanje, puštanje u rad i korištenje rendgen uređaja kroz relevantne propise o sigurnosti izvora zračenja.

Shodno tome, Agencija vrši autorizaciju pravnih lica koja žele vršiti djelatnosti sa izvorima jonizirajućeg zračenja. Autorizacija se vrši u vidu izdavanja licence odnosno registracije za pojedine vrste djelatnosti sa izvorima jonizirajućeg zračenja. Detaljnija procedura regulatorne kontrole definisana je Pravilnikom o notifikaciji i autorizaciji djelatnosti sa izvorima jonizirajućeg zračenja („Službeni glasnik BiH“ broj 66/10, u daljem tekstu: Pravilnik).

Nabavka, distribucija, prodaja, puštanje u rad te posjedovanje i korištenje rendgen uređaja regulisano je na sljedeći način:

- a) Pravna lica koja žele vršiti nabavku i distribuciju rendgen uređaja moraju posjedovati licencu za djelatnost nabavke i distribucije izvora jonizirajućeg zračenja.
- b) Pravna lica koja žele posjedovati i koristiti rendgen uređaj/e moraju prije nabavke uređaja pribaviti relevantno odobrenje, a po njihovoj nabavci izvršiti autorizaciju.
- c) Pravna lica koja žele puštati u rad rendgen uređaje moraju posjedovati licencu za djelatnost tehničkog servisa za zaštitu od jonizirajućeg zračenja za instaliranje, servisiranje i demontažu uređaja koji proizvode jonizirajuće zračenje.

Na osnovu naprijed navedenog, svako pravno lice koje namjerava započeti obavljati djelatnost sa izvorima jonizirajućeg zračenja (odnosno koje želi koristiti rendgen uređaj/e) dužno je, **prije nabavke istog/istih**, izvršiti **notifikaciju** djelatnosti posjedovanja i korištenja izvora jonizirajućeg zračenja kod Agencije. Notifikacija djelatnosti se vrši dostavljanjem popunjenog formulara (Notifikacija djelatnosti<sup>1</sup>) u sjedište Agencije ili regionalne kancelarije odnosno putem elektronske pošte [info@darns.gov.ba](mailto:info@darns.gov.ba) ili na broj faksa 033 726 301.

<sup>1</sup> <http://www.darns.gov.ba> dijelu Informacije za korisnike/Formulari

Ukoliko pravno lice nabavlja rendgen uređaj/e kategorije 3<sup>2</sup> (dentalni intraoralni uređaj, rendgen uređaj za podijatriju ili denzitometriju kostiju), nakon odgovora Agencije na dostavljeni notifikacijski formular pravno lice obraća se nosiocu licence za nabavku i distribuciju izvora jonizirajućeg zračenja s ciljem kupovine rendgen uređaja.

U slučaju da pravno lice nabavlja rendgen uređaj/e kategorije 1 odnosno kategorije 2<sup>3</sup> isto je dužno, pored notifikacije, Agenciji dostaviti i **zahtjev za odobrenje za posjedovanje** u skladu sa članom 27. Pravilnika. Ova pravna lica mogu se obratiti nosiocu licence za djelatnost nabavke i distribucije izvora jonizirajućeg zračenja s ciljem kupovine rendgen uređaja **tek nakon** pribavljanja odobrenja za posjedovanje.


O uslovima autorizacije za djelatnost posjedovanja i korištenja rendgen uređaja pravno lice će biti obaviješteno od strane Agencije u skladu sa članom 11. Pravilnika, a po dostavljenoj notifikaciji.

Kupljeni rendgen uređaji mogu biti pušteni u rad samo od nosioca licence za djelatnost tehničkog servisa za zaštitu od jonizirajućeg zračenja za instaliranje, servisiranje i demontažu uređaja koji proizvode jonizirajuće zračenje<sup>4</sup>, pri čemu ovi tehnički servisi mogu biti ujedno pravna lica koja vrše djelatnost nabavke i distribucije odnosno njihovi podugovarači.

Sve propise koji regulišu oblast zaštite od jonizirajućeg zračenja u Bosni i Hercegovini kao informacije za korisnike možete naći na službenoj stranici Agencije [www.darns.gov.ba](http://www.darns.gov.ba).

S poštovanjem,

**DIREKTOR**  
**Marinko Zeljko**



<sup>2</sup> <http://www.darns.gov.ba/ru/LegislationAndDocuments/Odluke> Odluka o primjeni odredbi za Odobrenje za posjedovanje na uređaje koji proizvode jonizirajuće zračenje kategorije 3, broj 04-02-2-489/21 od 31.03.2021. godine

<sup>3</sup> <http://www.darns.gov.ba/ru/LegislationAndDocuments/Pravilnici> Tabela 2. Priloga 2 Pravilnika o notifikaciji i autorizaciji djelatnosti sa izvorima jonizirajućeg zračenja („Službeni glasnik BiH“, broj 66/10)

<sup>4</sup> <http://www.darns.gov.ba> u dijelu Informacije za korisnike poddio Tehnički servisi filter Djelatnosti: Instaliranje, servisiranje i demontaža uređaja..